



Seljord kommune

Kultur og næring

SELJORD IDRETTSLAG

Postboks 86

3835 SELJORD

Att.: Tellef Solås

MELDING OM VEDTAK

Dykkar ref:

Vår ref
2019/859-3

Sakshand:

Asbjørn Storrusten, 350 65 155
asbjorn.storrusten@seljord.kommune.no

Arkivkode:
223

Dato:
17.06.2019

Vedtak Søknad om tilskot til å dekke ekstrakostnad med kork på kunstgrasanlegget på Eventyrøy - Seljord idrettslag

Seljord kommune syner til SIL ved Tellef Solås den 14.5.2019 med emne "Befaring Eventyrøy kunstgressbane". Der Idrettslaget ber kommunen om å refunder idrettslagets meirkostnad ved bruk av kork på banen.

Formannskapet handsama søknaden på sitt møte 13.6.19 og gjorde følgjande vedtak;

Vedtak i Formannskap/økonomiutval - 13.06.2019

Seljord kommune løyver ikkje midlar til Seljord idrettslag for å koste utgiftene med påfylling av kork på kunstgrasanlegget på Eventyrøy. Idrettslaget må sjølve drifte sine anlegg på ein god måte og dei oppmodast til å finne avbøtande tiltak for å hindre svinn av korkgranulat.

Her følgjer særutskrift av formannskapet si sak nr. 55/19.

*Vedtaket kan påklagast til **Seljord kommune**. Klagefristen er 3 veker frå den dagen brevet kom fram til påført adressat. Det er tilstrekkeleg at klaga er postlagt innan fristen sitt utløp.*

Klaga skal sendast skriftleg til den som har fatta vedtaket, oppgje vedtaket det vert klaga over, den eller dei endringar du ønskjer, og dei grunnar du vil anføre for klaga. Dersom du klager så seint at det kan være uklart for oss om du har klaga i rett tid, må du også oppgje når denne meldinga kom fram.

For Seljord kommune

Asbjørn Storrusten

Kultur- og næringssjef

Dokumentet er elektronisk godkjent og har derfor ikkje underskrift

(1) Sendar (stemplet til forvaltningsorganet) Seljord kommune Kultur og næring	Melding om rett til å klage over forvaltningsvedtak. (Forvaltningslova §27 tredje leddet) (2) Dato 17.06.2019
(3)Mottakar (namn og adresse) SELJORD IDRETTSLAG, Postboks 86, 3835, SELJORD	(4)Klageinstans Seljord kommune
Denne meldinga gjev viktige opplysningar dersom De vil klage på eit vedtak De er gjort kjend med.	
Klagerett	De har rett til å klage på vedtaket.
Kven kan De klage til?	Klaga sender De til oss, dvs. det organet som er ført opp i rubrikk (1). Dersom vi ikkje endrar vedtaket vårt som følgje av klaga, sender vi klaga over til klageinstansen, jf. rubrikk (4).
Klagefrist	Klagefristen er tre – tre – veker frå den dagen dette brevet kom fram. Det er nok at klaga er postlagt før fristen går ut. Dersom De klagar så seint at det kan vere uklart for oss om De har klaga i rett tid, bør De gjeva opp datoen for når De fekk dette brevet. Dersom De klagar for seint, kan vi sjå bort frå klaga. De kan søkje om å få lengre klagefrist, og då må De nemne grunnen til at De ønskjer det.
Rett til å krevje grunngjeving	Dersom De meiner at vi ikkje har grunngjeve vedtaket, kan De krevje ei slik grunngjeving før fristen går ut. Ny klagefrist blir då rekna frå den dagen De får grunngjevinga.
Innhaldet i klaga	De må presisere - kva for eit vedtak De klagar på - årsaka til at De klagar - den eller dei endringar De ynskjer - eventuelt andre opplysningar som kan ha noko å seie for vurderinga av klaga. - Klaga må underskrivast.
Utsetjing av gjennomføring av vedtaket	Jamvel om De har klagerett, kan vedtaket til vanleg setjast i verk med det same. De kan søkje om å få utsett gjennomføringa av vedtaket til klagefristen er ute eller til klaga er avgjort.
Rett til å sjå saksdokumenta og til å krevje rettleiing	Med visse unntak har De rett til å sjå dokumenta i saka. Reglane om dette finst i §18 og §19 i forvaltningslova. De må i tilfelle ta kontakt med oss, jf. rubrikk (1). De vil då få nærmare rettleiing om retten til å klage, om framgangsmåten og om reglane for saksgangen.
Kostnadene med klagesaka	De kan søkje om å få dekt utgifter til den advokathjelpa De treng, etter reglane om fritt rettsråd. Her gjeld det visse grenser for inntekt og eige. Fylkesmannen eller advokaten Dykkar kan gjeva nærare opplysningar om dette. Det er også høve til å krevje dekning for store kostnader som har med klagesaka å gjere. Normalt er det då ein føresetnad at det organet som gjorde det opphavlege vedtaket, har gjort ein feil slik at vedtaket blir endra. Klageinstansen (jf. rubrikk (4)) vil orientere Dykk om retten til å krevje slik dekning.
Klage til Sivilombodsmannen	Stortingsombodet for forvaltninga (Sivilombodsmannen) har ikkje høve til å ta opp saker som er avgjorde av Kongen i statsråd. Dersom De no får klaga Dykkar avgjort i statsråd fordi Kongen er klageinstans, kan De såleis ikkje seinare føre saka inn for Sivilombodsmannen.
Særlege opplysningar	


Seljord kommune

Kultur og næring

Arkiv: 223

Saksnr.: 2019/859-2

Sakshand.: Asbjørn Storrusten

Direkte tlf.: 350 65 155

Dato: 20.05.2019

Saksframlegg

Utval	Utvalssak	Møtedato
Formannskap/økonomiutval	55/19	13.06.2019
Kommunestyret	26/19	20.06.2019

Søknad om tilskot til å dekke ekstrakostnad med kork på Eventyrøy - Seljord idrettslag

Saksdokument:

Vedlegg:

2 Befaringsrapport Eventyrøy, 26.4.19

Saksutgreiing:

Seljord idrettslag søker Seljord kommune om hjelp til å dekke ein ekstra kostnad på kr 105.250,-, som idrettslaget har fått med naudsynt etterfylling av korkgranulat på kunstgrasanlegget på Eventyrøy.

Korkgranulat i staden for gummigranulat var nokså nytt i 2016 og det var lite erfaring med dette granulatet då Seljord idrettslaget, etter påtrykk av kommunen og med finansieringshjelp på kr 200.000,-, valte å bruke korkgranulat i staden for gummigranulat på kunstgrasanlegget på Eventyrøy.

I sakshandsaminga i sak 40/16 i Kommunestyret 12.05.16 står det m.a.

«SIL har oppgjeve at meirkostnaden er kr 200.000 ved å velje eit korkgranulat som dekke på kunstgrasbanen. Det er vanskeleg for SIL å ta denne kostnaden i tillegg til kostnaden med opparbeiding av bana, men SIL er viljuge til å erstatte gummigranulat med korkgranulat sjølv om ein ikkje har så stor erfaring med dette dekket.

Vedtak i Kommunestyret - 12.05.2016

Kommunestyret løyver kr 200.000 i eingongstilskot til Seljord idrettslag. Vilkåret er at tilskotet vert nytta til eit miljøvenleg korkgranulat som banedekke på den nye kunstgrasbanen på Eventyrøy.

Det er bruka korkgranulat på kunstgrasbanen på Eventyrøy

Det var ein synfaring på anlegget 26.4.19 og anleggskonsulent Geirfinn Kvalheim skriver m.a. i sitt følgebrev til rapporten;

«Eventyrøy Idrettspark kunstgressbane fremstod som meget flott.

Seljord IL og Seljord Kommune er og skal være en foregangsklubb og -kommune både mht aktivitet og ikke minst gå foran vår oppvoksende slekt hva gjelder å ta miljøhensyn og dette ansvaret har dere virkelig tatt innover dere. FLOTT.

Miljøorganisasjonene og politikerne følger oss tett og vil garantert finne de som har «svin på skogen» og bruke det for alt det er verdt.

Når det gjelder kork som innfyllsmateriale i kunstgressbaner, uttaler de fleste seg som meget fornøyd med spillegenskapene.

Det som bekymrer undertegnede er det store svinnet det er på slike baner.

Vi vet at korken smuldrer, men vet ikke nok om hvor dette forsvinner. Ut i luften? Ned i drencsystemet? Blir med spillerne hjem?

Når dere nå informerer om at dere har etterfylt 30 kbm med en kostnad på 110.000 + mva etter to år, så er det dramatisk. I første rekke av økonomisk karakter, men minst like viktig er spørsmålet om hvor dette har tatt veien.

Dersom dere hadde brukt SBR (oppmalte bildekk), ville svinnet etter to år hvor dere kan bruke friidrettsbanen som snødeponi, ha vært tilnærmalesvis NOK 0,-

Dette med bakgrunn i at gummigranulat ikke skal brøytes utenfor rent område (les: friidrettsbanen). Dermed skal dette tilbakeføres i banen.

Om dere på sikt ønsker å blandet kork og gummigranulat som innfyll, så har vi så vidt meg bekjent ikke slike løsninger i Norge, men vet at det er flere nedover i Europa som har gjort dette med stort hell.»

Rådmannens vurdering

Det viser seg at val av det miljøvennlige granulatet i kork på Eventyrøy kunstgrasanlegg har ført til store ekstrautgifter for idrettslaget. Det er lagt fram kvitteringar på kr 105.250,- + mva i arbeid med korkgranulat og utlegging dette og det etter bare 2 års drift.

Rådmannen forstår at dette er ein stor ekstrakostnad for idrettslaget. Som rapporten syner er det uvisst kor korken tek vegen. Rådmannen rår idrettslaget til å fokusere på å finne årsaker til svinnet og eventuelt finne avbøtande tiltak for å hindre svinn. Det vil slik rapporten no framstår vere eit tilbakevendande problem å etterfylle kork for store summar dersom ein ikkje finn årsaka til svinnet.

Rådmannen si tilråding:

Rådmanen rår formannskapet gjere følgjande vedtak;

Seljord kommune løyver ikkje midlar til Seljord idrettslag for å koste utgiftene med påfylling av kork på kunstgrasanlegget på Eventyrøy. Idrettslaget må sjølv drifte sine anlegg på ein god måte og dei oppmodast til å finne avbøtande tiltak for å hindre svinn av korkgranulat.

Handsaming i Formannskap/økonomiutval - 13.06.2019

Samrøystes vedteke.

Vedtak i Formannskap/økonomiutval - 13.06.2019

Seljord kommune løyver ikkje midlar til Seljord idrettslag for å koste utgiftene med påfylling av kork på kunstgrasanlegget på Eventyrøy. Idrettslaget må sjølv drifte sine anlegg på ein god måte og dei oppmodast til å finne avbøtande tiltak for å hindre svinn av korkgranulat.

Utskrift til: Seljord idrettslag